



*Իրավաբանների հայկական ասոցիացիա,  
ՀՀ Փաստաբանների պալատ,  
ՀՀ Փաստաբանական ակադեմիա*

*«Փաստաբանություն. ներկա վիճակը և զարգացման հեռանկարները ՀՀ-ում»  
12-րդ ամենամյա հանրապետական գիտաժողով*

*Խորագիր՝ «Փաստաբանի անկախությունը»*

**ՊԱՇՏՈՆԱԿԱՆ ԿԱՆՈՆՆԵՐ**

Երևան 2023թ.

Պաշտոնական կանոն 0.0 Սահմանումներ

Սույն կանոններում օգտագործվող հասկացությունները օգտագործվում են հետևյալ իմաստով.

«**Կազմակերպիչ**» սույն կանոնների իմաստով նշանակում է գիտաժողովի ցանկացած փուլի կազմակերպիչ:

«**Գիտաժողովի փուլ**» գրավոր և բանավոր փուլերի դեպքում օգտագործվում է համապատասխան փուլ իմաստով:

«**Գիտաժողով**» օգտագործվում է 2023թ.-ի հունիս-հուլիս ամիսներին կազմակերպվելիք «Փաստաբանություն. ներկա վիճակը և զարգացման հեռանկարները ՀՀ-ում» 12-րդ ամենամյա հանրապետական գիտաժողով իմաստով:

«**Ձեկույց**» օգտագործվում է յուրաքանչյուր մասնակցի կողմից սույն կանոնների դրույթների համաձայն գրված և գիտաժողովի կազմակերպչին էլեկտրոնային տարբերակով ներկայացրած գրավոր զեկույց իմաստով:

«**Բանավոր փուլ**» նշանակում է մասնակցի զեկույցի բանավոր ներկայացման փուլ:

«**Տույժեր**» կիրառվում է որևէ կանոնի խախտման համար նախնական միավորի իջեցմամբ:

«**Կանոններ**» օգտագործվում է զեկույցի սույն պաշտոնական կանոններ, ինչպես նաև ցանկացած այլ կանոնների հավելված իմաստով:

«**Մասնակից**» օգտագործվում է կազմակերպչին սահմանված ժամկետում գիտաժողովին մասնակցելու հայտ ներկայացրած ուսանող իմաստով:

«**Ձեկույցի թիվ (համար)**» օգտագործվում է գիտաժողովի ժամանակ յուրաքանչյուր զեկույցի համար հատուկ թվային տարբերակում իմաստով:

«**Փուլ**» օգտագործվում է գիտաժողովի տարբեր ընթացակարգերի և ժամանակահատվածների իմաստով:

ՊԱՇՏՈՆԱԿԱՆ ԿԱՆՈՆ 1.0 Գիտաժողովի կազմակերպումը

**1.1 Կազմակերպիչներ.**

Իրավաբանների հայկական ասոցիացիա (հապավումը՝ ԻՀԱ), ՀՀ Փաստաբանների պալատ, ՀՀ Փաստաբանական ակադեմիա ([www.armla.am](http://www.armla.am), [www.advocates.am](http://www.advocates.am), [www.advschool.am](http://www.advschool.am)):

Հասցեն՝ ՀՀ, ք. Երևան 375010, Նալբանդյան 7, գրասենյակ 2, հեռ. 010-54-01-99, 096-44-88-64, ֆաքս՝ 580299, էլեկտրոնային փոստ՝ [info@armla.am](mailto:info@armla.am)

**1.2 Գիտաժողովի ընթացակարգը.**

Գիտաժողովը բաղկացած է երկու փուլերից.

- 1) գրավոր փուլ,
- 2) բանավոր փուլ:

### **1.3 Գիտաժողովի անցկացումը.**

Յուրաքանչյուր փուլ անցկացվում է կազմակերպչի կողմից սահմանված վայրում և պետք է իրականացվի սույն կանոնների համաձայն:

#### ՊԱՇՏՈՆԱԿԱՆ ԿԱՆՈՆ 2.0 Գիտաժողովի մասնակցության իրավունքը և կարգը

##### **2.1 Գիտաժողովին մասնակցելու իրավունք ունեցող անձինք.**

- 1) ԲՈԻՀ-երի իրավաբանական ֆակուլտետների 2-րդ և բարձր կուրսերում սովորող ուսանողները:
- 2) Քոլեջների իրավաբանական բաժիններում 2-րդ և բարձր կուրսերում սովորող ուսանողները:
- 3) Մագիստրատուրայի իրավաբանական ֆակուլտետում սովորող ուսանողները:
- 4) Ասպիրանտուրայի իրավաբանական բաժիններում սովորող ուսանողները:
- 5) ՀՀ փաստաբանական ակադեմիայի ունկնդիրները:

#### ՊԱՇՏՈՆԱԿԱՆ ԿԱՆՈՆ 3.0 Մասնակիցների գրանցումը և մասնակիցների զեկույցները

##### **3.1 Մասնակիցների գրանցման ձևը, գրանցման վայրը և գրանցումը.**

Գիտաժողովին մասնակցել ցանկացողները մինչև 2023թ.-ի հունիսի 12-ը պետք է առցանց գրանցվեն: Գիտաժողովի առցանց գրանցման հղումը հասանելի է [այստեղ](#): Գիտաժողովի վերաբերյալ անհրաժեշտ տեղեկատվություն կարելի է ձեռք բերել նաև կազմակերպչի ինտերնետային կայքից (տե՛ս սույն կանոնների 1.1 կետը):

##### **3.2 Ձեկույցների ընդունման կարգը և ժամկետները.**

- 1) Գիտաժողովին մասնակցելու համար գրանցված յուրաքանչյուր անձ պետք է մինչև 2023թ.-ի հունիսի 30-ը պահանջվող զեկույցի էլեկտրոնային տարբերակը ուղարկի [info@armla.am](mailto:info@armla.am) էլեկտրոնային հասցեին:
- 2) Ձեկույցը ընդունվում է կազմակերպչի կողմից և յուրաքանչյուր զեկույց ստանում է անհատական համար, որը զետեղվում է զեկույցի դրսի շապիկի վերին աջ անկյունում:
- 3) Ձեկույցի անհատական համարը տրվում է զեկույցը կազմակերպչին ուղարկելու համար սահմանված ժամկետը լրանալու հաջորդ օրը: Ձեկույցները ստուգող խմբի և տեխնիկական ստուգում իրականացնող անձնակազմի կողմից ստուգվում և գնահատվում են մինչև 2023թ.-ի հուլիսի 10-ը:

##### **3.3 Ձեկույցի ինքնուրույնը հաստատող համարը.**

Գիտաժողովի յուրաքանչյուր մասնակցի զեկույց կունենա համակարգողի կողմից տրված համար (թիվ): Մասնակիցները պետք է այդ համարները օգտագործեն միայն ինքնուրույն հաստատման նպատակով: Համարի գաղտնիության ապահովման պարտականությունը դրվում է կազմակերպչի վրա:

### **3.4 Ձեկույցի հանձնումը.**

Բոլոր զեկույցները պետք է համապատասխանեն հետևյալ ընդհանուր պահանջներին.

- 1) Գիտաժողովի յուրաքանչյուր մասնակից պետք է սահմանված ժամկետներում կազմակերպչին ներկայացնի զեկույցի էլեկտրոնային տարբերակը:
- 2) Յուրաքանչյուր զեկույցի շապիկ պետք է պարունակի միայն հետևյալը.
  - գիտաժողովի մասնակցի համարը, որը դրվում է կազմակերպչի կողմից,
  - գիտաժողովի թեմայի անվանումը,
  - գիտաժողովի ամսաթիվը:

### **3.5 Ձեկույցների ֆորմատը.**

Բոլոր զեկույցները պետք է համապատասխանեն հետևյալ ֆորմատին.

- 1) 10-15 համակարգչային էջ,
- 2) A4 ֆորմատի (21x29.7 սմ) թղթի վրա,
- 3) տեքստի տառատեսակը և չափսը` Sylfaen 12,
- 4) զեկույցի տեքստի բոլոր մասերը, ինչպես նաև տողատակի ծանոթագրություններն ու խորագրերը, պետք է լինեն միաբացվածք (single-spaced),
- 5) լուսանցքների պահպանումը բոլոր կողմերից պետք է ունենա 2.5 սմ` չհաշված էջահամարները:

### **3.6 Ձեկույցի նկարագիրը.**

Ձեկույցը պետք է բաղկացած լինի հետևյալ մասերից.

- 1) Բովանդակություն,
- 2) Ներածություն,
- 3) Նկարագրական մաս,
- 4) Եզրափակիչ մաս,
- 5) Օգտագործված գրականության ցանկ:

## **ՊԱՇՏՈՆԱԿԱՆ ԿԱՆՈՆ 4.0 Փաստաբանները**

### **4.1 Գիտաժողովի գրավոր և բանավոր փուլերի դատավորները և նրանց ընտրության կարգը.**

Գիտաժողովի գրավոր փուլը գնահատում է դատավորներից` համապատասխան մասնագետներից կազմված ստուգող խումբը, որի անհատական կազմը և թվաքանակը որոշվում է կազմակերպչի կողմից:

### **4.2 Կազմակերպչի տեղեկացումը մասնակիցների և դատավորների անհամապատասխանության վերաբերյալ.**

Գիտաժողովի բանավոր փուլի ընթացքում մասնակիցները կազմակերպչին պետք է տեղեկացնեն այն մասնագետների, փաստաբանների կամ հավանական մասնագետների և փաստաբանների անունները, որոնց հարաբերությունները մասնակցի կամ տվյալ ԲՈՒՀ-ի կամ քոլեջի հետ այնպիսին է, որ կասկած է առաջացնում այդ դատավորի անկողմնակալության վերաբերյալ` տվյալ մասնակցի բանավոր զեկույցը գնահատելիս: Նման դեպքերում կազմակերպիչը պետք է քննարկի փաստաբան(ներ)ին վերաբերող հարցը և այդ հարցի կապակցությամբ կայացնի վերջնական որոշում:

### 5.1 Գրավոր փուլ.

Գիտաժողովի գրավոր փուլում առավելագույն միավորներ հավաքած մինչև 5 լավագույն մասնակիցները կանցնեն գիտաժողովի հաջորդ՝ բանավոր փուլ: Գրավոր փուլում դատավորների կողմից մասնակիցներին նշանակած միավորները կազմակերպչի կողմից կարող են նվազեցվել՝ ըստ սահմանված տույժերի: Գիտաժողովի գրավոր փուլի ստուգումը և գրավոր փուլի արդյունքների ամփոփումը կատարվում է 2023թ.-ի հուլիսի 1-ից մինչև հուլիսի 11-ը ընկած ժամանակահատվածում:

### 5.2 Բանավոր փուլ

Գիտաժողովի բանավոր փուլում յուրաքանչյուր մասնակցի զեկույցի ընդհանուր միավորները որոշվում են՝ զեկույցները գնահատող դատավորների ժյուրիի յուրաքանչյուր անդամի կողմից նշանակած միավորների ընդհանուր գումարով: Գիտաժողովի բանավոր փուլն անցկացվելու է 2023թ.-ի հուլիսի 14-ին: Գիտաժողովի մրցանակաբաշխությունը տեղի կունենա գիտաժողովի բանավոր փուլի ավարտից անմիջապես հետո:

Գիտաժողովի գրավոր փուլի հաղթողը որոշվում է կազմակերպչի կողմից՝ դատավորների կողմից ստուգված զեկույցների արդյունքների հիման վրա, և արժանանում է «Լավագույն գրավոր զեկույց» անվանակարգին:

Գիտաժողովի բանավոր փուլի հաղթողը որոշվում է ժյուրիի կողմից և արժանանում «Լավագույն հոբետոր» անվանակարգին:

Գիտաժողովի հաղթող է ճանաչվում այն մասնակիցը, որը գրավոր և բանավոր փուլերում հավաքել է միավորների առավելագույն քանակ: Գիտաժողովի հաղթողը ստանում է «Գիտաժողովի հաղթող» մրցանակը:

Գիտաժողովի կազմակերպիչը կարող է սահմանել նաև այլ խրախուսական մրցանակներ: Գիտաժողովի գրավոր և բանավոր փուլի մասնակիցները կստանան հավաստագրեր, իսկ լավագույն զեկույցները կհրատարակվեն Իրավաբան.net անկախ, մասնագիտական լրատվական կայքում:

**6.1 Զեկույցներին առնչվող տույժեր**

Սույն աղյուսակի համաձայն զեկույցներին առնչվող կանոնների խախտումների համար կիրառվում են տույժեր.

<b>Կանոնի համարը</b>	<b>Նկարագիրը</b>	<b>Կիրառվող տույժը</b>
6.1.1	Զեկույցում ինքնության կամ ուսումնառության հաստատության վերաբերյալ որևէ նշում:	7 միավոր (մեկ անգամ)
6.1.2	Միալ տառատեսակի կամ տառերի սխալ չափսի օգտագործում, տվյալ տառատեսակի սխալ չափսի օգտագործում, տողերի միջև սխալ տարածություն կամ մեջբերումների սխալ ձև:	1 միավոր յուրաքանչյուր խախտման համար, ընդհանուրը՝ մինչև 5 միավոր:
6.1.3.	Էջերի սահմանափակում:	15 էջը գերազանցող յուրաքանչյուր էջի համար 1 միավոր, առվելագույնը 4 միավոր:
6.1.4.	Անհամապատասխան լուսանցքներ:	Յուրաքանչյուր էջի համար 0,5 միավոր, առավելագույնը 2 միավոր:
6.1.5.	Զեկույցի կազմի վրա չպահանջվող տեղեկությունների ընդգրկում:	2 միավոր: